

Në përputhje me Nenin 28, paragrafin 3 të Ligjit 9723/2007 "Për Qendrën Kombëtare të Regjistrimit", ky dokument përbën:

**AKTIN E THEMELIMIT**

**DHE**

**STATUTIN**

**E**

**SHOQËRISË**

**"2A2B" SHPK**

**TIRANË / SHQIPËRI**



AKTI I THEMELIMIT

DHE

STATUTI

i

Shoqërisë me Përgjegjësi të Kufizuar

"2A2B" Shpk

KREU I

Emri, Forma, Selia, Kohëzgjatja

Neni 1. Data e themelimit dhe Emri

- Me efekt nga data 13.08.2024 themelohet shoqëria "2A2B" (në vijim referuar si "Shoqëria"), e ndjekur në mënyrë të pandashme nga shkurtimi "Shpk", i cili përfaqëson formën ligjore të saj, si shoqëri me përgjegjësi të kufizuar.
- Ortakët e Shoqërisë ("Ortakët") mbajnë përgjegjësi të kufizuar deri në limitin e kontributit përkatës në kapitalin e shoqërisë të përfaqësuar në kuota.
- Në të gjithë dokumentet, faturat, njoftimet dhe botimet e lëshuara nga Shoqëria, pavarësisht nga mënyra e dërgimit, emri i saj do të ndiqet ose do të shoqërohet nga:
  - fjalët "Shoqëri me Përgjegjësi të Kufizuar" ose "shpk";
  - numri i Identifikimit Personal Tatimor (NIPT) të saj;
  - adresa e regjistruar, dhe
  - pasqyrimin e faktit që Shoqëria është në procedura likuidimi, në qoftë se është rasti.
  - Kapitalin e regjistruar të Shoqërisë dhe kapitalin e paguar të Shoqërisë.

Neni 2. Forma Ligjore

- 2.1. Shoqëria është një entitet ligjor shqiptar, dhe ka formën ligjore të një shoqërie me përgjegjësi të kufizuar, në përpunje me ligjin Nr. 9901, datë 14.04.2008 "Për Tregtarët dhe Shoqëritë Tregtare" (në vijim referuar si "Ligji 9901").

Neni 3. Selia

- 3.1. Selia e Shoqërisë ndodhet në adresën: Kotoni Center, Rr. "Ukraina e Lirë", nr. 3, Tiranë 1013, Tiranë, Shqipëri. Shoqëria ka të drejtë të ndryshojë selinë e saj në një adresë dhe/ose në një qytet tjetër të Shqipërisë. Shoqëria mund të hapë degë të saj ose zyra përfaqësimi kudo, brenda ose jashtë territorit të Republikës së Shqipërisë.

Neni 4. Kohëzgjatja

- 4.1. Shoqëria e ushtron aktivitetin e saj ekonomik për një kohë të pacaktuar.

KREU II

Aktiviteti i Shoqërisë







Neni 5. Objekti

5.1. Objekti i aktivitetit të Shoqërisë do të jetë të kryejë çdo aktivitet tregtar të lejuar nga legjislacioni Shqiptar, duke përfshirë, por pa u kufizuar në, aktivitetet e mëposhtme:

- Projektim, zbatim, ndërtim dhe rikonstruksion të objekteve dhe veprave inxhinierike, residenciale, tregtare, arkitekturore të çdo lloji;
- Projektim, zbatim të ndërtimeve civile, turistike, ekonomike, punime dheu, sistemim taracime, prodhime dhe përdorim elementesh të parafabikuara, betoni e beton arme;
- Ndërtime rrugore, hidroteknike, dhe të rrjeteve inxhinierike;
- Import-eksport i të gjithë llojeve të makinerive të ndërtimit, produkteve dhe lëndëve të para që përdoren në ndërtim (përfshirë por pa u kufizuar në, duralumin, xham, etj);
- Çdo veprimtari tjetër të lejuar nga legjislacioni në fuqi.

Neni 6. Ndryshime

6.1. Shoqëria ka të drejtë të ndryshojë objektin e veprimtarisë së saj në çdo kohë, siç parashikohet në këtë Statut.

KREU III

Kapitali Themeltar; Kuotat e Kapitalit Themeltar

Neni 7. Kapitali Themeltar

7.1. Kapitali i Shoqërisë është në total ALL 100.00 (njëqind Lekë), plotësisht të nënshkruara dhe të shlyera.

7.2. Kapitali i Shoqërisë është shlyer nga Ortakët, në proporcione pjesët e tyre takuese.

Neni 8. Ortakët e Shoqërisë dhe Kuotat

8.1 Ortakët e Shoqërisë dhe kuotat e zotëruara prej tyre në Shoqëri, janë si më poshtë:

- (i) **Piro Angjeli**, lindur më 3.06.1975, në Sarandë, Shqipëri, banues në Tiranë, Shqipëri, mbajtës i letërnjoftimit me nr. Personal H50603143L, që zotëron një kuotë që përfaqëson 50% (pesëdhjetë përqind) të kapitalit të Shoqërisë, në vlerën ALL 50.00 (pesëdhjetë Lekë);
- (ii) "A Capital Holding" Shpk, një shoqëri me përgjegjësi të kufizuar, e krijuar dhe organizuar sipas legjislacionit shqiptar, regjistruar në Regjistrin Tregtar, me numër regjistrimi NUIS M32405032B, me seli të regjistruar në adresën: Rruga "Stavri Themeli", Nr. 38, 1024, Tiranë, Shqipëri, që zotëron një kuotë që përfaqëson 25% (njëzetë e pesë përqind) të kapitalit të Shoqërisë, në vlerën ALL 25.00 (njëzetë e pesë Lekë); dhe
- (iii) "2B 1979" Shpk, një shoqëri me përgjegjësi të kufizuar, e krijuar dhe organizuar sipas legjislacionit shqiptar, regjistruar në Regjistrin Tregtar me numër regjistrimi NUIS L91508021H, me seli të regjistruar në adresën: Rruga "Ismail Qemali", nr. 34, Hyrja nr 1, Kati 1, Tiranë, Shqipëri, që zotëron një kuotë që përfaqëson 25% (njëzetë e pesë përqind) të kapitalit të Shoqërisë, në vlerën ALL 25.00 (njëzetë e pesë Lekë).

Neni 9. Zvogëlimi ose Zmadhimi i Kapitalit Themeltar

9.1 Kapitali mund të zmadhohet ose zvogëlohet me vendim të Asamblesë së Përgjithshme të Ortakëve, në përputhje me Kreun IV të këtij Statuti, dhe kërkesave të detyrueshme të Ligjit 9901.

9.2 Zmadhimi i kapitalit mund të realizohet me ane të kontributeve në para, me anë të kontributeve në natyrë ose me përfshirjen e rezervave (nëse ka) dhe fitimit.

9.3 Rritja e kapitalit do të bëhet me kuota të reja apo me rritjen e vlerës së kuotave ekzistuese. Pjesët e reja të kapitalit themeltar do të nënshkruhen dhe vlera e tyre nominale do të paguhet plotësisht.

9.4 Zmadhimi i kapitalit nuk do të dobësojë pjesët e interesit të Ortakëve në kapitalin e Shoqërisë, përvçese kur

<p>vendoset ndryshe nga Asambleja e Përgjithshme e Ortakëve, vendim i cili do të merret me një shumicë prej <math>\frac{3}{4}</math> e votave.</p> <p>9.5 Shoqëria nuk mund të blejë asnjë kuotë të saj. Megjithatë, me qëllim zvogëlimin e kapitalit të Shoqërisë, nëpërmjet vendimit për zvogëlimin e kapitalit, Ortakët mund të autorizojnë Administratorin/Administratorët të bëjnë blerjen e kuotave përkatëse apo pjesë të tyre dhe t'i anulojnë ato.</p>
---

#### Neni 10. Të drejtat dhe detyrimet e Ortakëve

- 10.1 Ortakët janë vetëm ata të cilët zotërojnë kuotat e Shoqërisë.
- 10.2 Çdo ortak do të ketë të drejta vote në Asamblenë e Përgjithshme të Ortakëve ("Asambleja e Përgjithshme") në përpjestim me vlerën nominale të kuotës që zotëron. Çdo ortak ka të drejtën për të zgjedhur dhe për t'u zgjedhur në organet drejtuese, të drejtën për të marrë pjesë në shpërndarjen e fitimeve të Shoqërisë, nëse Asambleja e Përgjithshme vndos të shpërndajë fitimet, sikundër të drejtat e parashikuara nga ky Statut, për çdo marrëveshje të detyrueshme ndërmjet Ortakëve dhe dispozitave ligjore të Ligjit 9901.
- 10.3 Ortakëve do t'u jepen, me kërkesë me shkrim, informacione dhe të dhëna në lidhje me aktivitetin e Shoqërisë në çdo kohë, duke përfshirë të drejtën që të kontrollojnë dokumentet dhe raportet e Shoqërisë, sipas parashikimeve përkatëse në Ligjin 9901.
- 10.4 Të drejtat dhe detyrimet që rezultojnë nga zotërimi i Kuotave, transferohen tek çdo zotëruesh i ri për këto Kuota.
- 10.5 Detyrimet e Shoqërisë janë të garantuara nga kapitali i saj, dhe Ortakët mundet vetëm të mbajnë përgjegjësi brenda limitit të vlerës së kuotave që ata zotërojnë. Ortakët nuk mbajnë përgjegjësi që tejkalojnë investimin e tyre përkatësisht në kapitalin e Shoqërisë (përveç garancive dhe huave që ata realizojnë).
- 10.6 Shoqëria nuk mban përgjegjësi për borxhe ose detyrime të tjera të Ortakëve të saj.

#### Neni 11. Transferimi i pjesëve të Kapitalit

- 11.1 Pjesët e kapitalit transferohen lirisht midis Ortakëve.
- 11.2 Në rast se një Ortak do të shesë, transferojë, ose përdorë në mënyra të ndryshme pjesë apo të gjithë kuotën e tij, Ortakët e tjerë do të kenë të drejtën e parablerjes, kundrejt blerësve të tjerë. Nëse Ortaku me të drejtë parablerjeje do të ketë bërë një ofertë dhe kjo ofertë është refuzuar nga Ortaku që shet, atëherë Ortaku tjetër do të rishikojë ofertën e bërë dhe do t'i bëjë Ortakut që shet një ofertë të dytë. Nëse edhe kjo ofertë e dytë është refuzuar nga Ortaku që shet, atëherë ky i fundit (Ortaku që shet) nuk do të ketë të drejtë të shesë kuotën tek një blerës tjetër me çmim më të ulët se çmimi i ofruar nga Ortaku i preferuar në ofertën e dytë.
- 11.3 Çdo transferim i kuotave do të bëhet në përputhje me dispozitat e Ligjit 9901 dhe duhet të regjistrohet pranë Qendrës Kombëtare të Biznesit.

#### KREU IV

Asambleja e Përgjithshme

#### Neni 12. Kompetencat

- 12.1 Asambleja e Përgjithshme e Ortakëve është organi drejtues i Shoqërisë i cili merr vendimet mbi aktivitetin dhe politikat e saj ekonomike dhe tregtare.

#### Neni 13. Mbledhja e Asamblesë së Përgjithshme

- 13.1 Asambleja e Përgjithshme duhet të mblidhet të paktën 1 herë në vit.
- 13.2 Asambleja e Përgjithshme thirret nëse, sipas bilancit vjetor apo raporteve të ndërmjetme financiare rezulton ose ekziston rreziku që aktivitetet e Shoqërisë nuk i mbulojnë detyrimet e kërkueshme brenda 3 muajve në vazhdim.
- 13.3 Asambleja e Përgjithshme thirret kur Shoqëria propozon të shesë apo të disponojë në mënyrë tjetër aktive, asete

4

të cilat kanë një vlerë më të lartë se 5% (pesë përqind) e të gjithë aseteve të Shoqërisë, siç rezultojnë në pasqyrat e fundit financiare të çertifikuara. Asambleja e Përgjithshme do të vendosë mbi bazën e raportit të ekspertit kontabël të autorizuar, që do t'i paraqitet Asamblesë, përveç rastit kur kjo blerje bëhet në Bursë ose bën pjesë në veprimtarinë e zakonshme tregtare të Shoqërisë.

- 13.4 Asambleja e përgjithshme thirret kur Shoqëria, brenda 2 viteve të para, pas regjistrimit të saj propozon të blejë nga një Ortak, pasuri, që kanë vlerë më të lartë se 5% (pesë përqind) e aseteve të Shoqërisë, siç rezultojnë në pasqyrat e fundit financiare të çertifikuara.
- 13.5 Në rastet e parashikuara në pikat e mësipërme 13.3 dhe 13.4, Asamblesë së Përgjithshme i paraqitet një raport nga një ekspert kontabël i autorizuar, i pavarur, përveç rastit kur kjo blerje bëhet në Bursë ose bën pjesë në veprimtarinë e zakonshme tregtare të Shoqërisë.
- 13.6 Ortakët do të organizojnë takime me Administratorët, të paktën një herë në vit, me qëllim vlerësimin e veprimeve të kryera nga Administratorët, diskutimin e çështjeve që kanë të bëjnë me administrimin e Shoqërisë dhe marrjen e vendimeve mbi çështjet, që janë objekt i aprovimit nga ana e tyre, përfshirë çështje, për të cilat Administratorët nuk dakordësojnë.
- 13.7 Në rastet e parashikuara në pikat e mësipërme 13.3 dhe 13.6, Asambleja e Përgjithshme mund të miratojë një vendim këshillues, duke miratuar apo bërë vërejtje për veprimtarinë e administratorëve.

#### Neni 14. Mënyra e zhvillimit të mbledhjeve

- 14.1 Asambleja e Përgjithshme thirret të vendosë për çështjet e shtruara përpara saj, nëpërmjet thirrjes së mbledhjeve ose nëpërmjet konsultave me shkrim.
- 14.2 Asambleja e përgjithshme mund të thirret nga një prej Administratorëve ose nga çdonjéri prej Ortakëve.
- 14.3 Asambleja e Përgjithshme mblidhet në selinë e Shoqërisë, në Shqipëri apo në çdo qytet apo shtet tjetër siç mund të dakordësohet midis Ortakëve. Vendi i zgjedhur, data dhe ora e këtyre takimeve si dhe rendi i ditës përkatës i mbledhjeve u njoftohet Ortakëve me postë të regjistruar, të paktën 7 ditë para mbledhjes. Në rast se Asambleja e Përgjithshme nuk është thirrur në përputhje me kërkeshat e këtij paragrafi, kjo e fundit mund të marrë vendime të vlefshme, vetem në rast se të gjithë Ortakët dakordësojnë.
- 14.4 Secili prej Ortakëve gjëzon të drejtën të përfaqësohet nga një person tjetër në përputhje me nenin 85 të Ligjit 9901.
- 14.5 Ortakët pranojnë dhe dakordësojnë për të marrë vendime në lidhje me Shoqërinë në formë të shkruar. Vendimi i propozuar, së bashku me dokumentacionin mbështetës, do t'u dërgohet Ortakëve me postë, korrier, telecopy ose mënyra të tjera elektronike të sigurta. Ortakët do të marrin vendimin përkatës, brenda një periudhe prej 15 (pesëmbëdhjetë) ditësh nga data që ju është dorëzuar vendimi i propozuar. Ortakët miratojnë vendimin duke i kthyer Administratorit të Shoqërisë një kopje të firmosur të vendimit me shkrim. Ortakët, të cilët nuk janë dakord me vendimin, shprehin me shkrim kundërshtitë e tyre në lidhje me vendimin dhe ia kthejnë atë Administratorit të Shoqërisë. Vendimi me shkrim konsiderohet i miratuar, nëse aprovohet me tre të katërtat e votave të ortakëve pjesëmarrës.
- 14.6 Secili prej Ortakëve ka të drejtën të votojë në përputhje me kuotën e zotëruar prej tij në kapital.
- 14.7 Vendimet e mëposhtme, do të duhet të miratohen nga Ortakët që zotërojnë të paktën 75% të kapitalit të Shoqërisë:
- Pagesa e çdo dividendi në kesh apo natyrë Ortakëve të Shoqërisë;
  - Nënshkrimi i marrëveshjeve financiare në lidhje me Shoqërinë apo nxjerrja e instrumenteve të borxhit nga Shoqëria;
  - Aprovimi i kontratave të ndryshme ku, Shoqëria do të jetë pjesë, në rast se nuk merret pëlqimi unanim i të gjithë Ortakëve të Shoqërisë;
  - Blerja e çfarëdolloj kuote apo interesit tjetër në çdo biznes dhe sipërmarrje;
  - Zmadhimi dhe zvogëlimi i kapitalit të Shoqërisë siç është përcaktuar në Nenin 7 të kësaj Marrëveshje;
  - Ndryshimi dhe amendimi i këtij Akti Themelimi dhe Statutit;
  - Ndryshimi i formës ligjore të Shoqërisë dhe strukturës së brendshme dhe organizimit të Shoqërisë;
  - Krijimi i filialeve apo degëve të Shoqërisë;

- i) Emërimi dhe shkarkimi i likuidatorëve; dhe  
j) Pezullimi i aktivitetit, likuidimi apo shpërndarja e Shoqërisë.
- 14.8 Vendimet për të gjithë çështjet e tjera, të cilat janë të specifikuara në Nenin 81 të Ligjit 9901 dhe të listuara më poshtë, do të miratohen me shumicë të thjeshtë votash (51%):
- Emërimi dhe shkarkimi i Administratorit;
  - Emërimi dhe shkarkimi i ekspertëve kontabël të autorizuar;
  - Përcaktimi i shpërblimit të Administratorit, auditorëve dhe likuidatorit;
  - Miratimi i pasqyrave financiare vjetore dhe raporteve të ecurisë së veprimtarisë;
  - Përfaqësimi i Shoqërisë përpara gjykatës, si dhe në çështjet gjyqësore kundër Administratorit; dhe
  - Çështje të tjera, të cilat do të parashikohen nga Ortakët.
- 14.9 Atëherë kur ligji e kërkon, vendimet e Ortakëve do të noterizohen nga një noter publik Shqiptar. Në rast se këto vendime miratohen jashtë Republikës së Shqipërisë, ato duhet t'i nënshtronen kërkesave të ligjit Shqiptar për njohjen e dokumenteve të huaja në Republikën e Shqipërisë (dmth - duhet t'i nënshtronen procedurës së legalizimit ose apostillimit, në varësi të vendit ku merren/miratohen).
- 14.10 Ortakët do të njoftohen për Asamblenë e Përgjithshme të Ortakëve dhe përbajtjen e rendit të ditës së mbledhjes.
- 14.11 Administratorët duhet të mbajnë procesverbalet e çdo mbledhjeje të Asamblesë së Përgjithshme të Ortakëve, në përputhje me kërkesat e nenit 90 të Ligjit 9901.

#### Neni 15 Përjashtimi nga e drejta e votës

- 15.1 Një ortak përjashtohet nga e drejta e votës në rastin kur Asambleja e Përgjithshme është duke vendosur mbi:
- Vlerësimin e veprimtarisë së këtij Ortaku;
  - Shuarjen e ndonjë detyrimi në ngarkim të tij;
  - Ngritjen e një padie kundër tij, nga Shoqëria;
  - Dhënien ose jo të përfitimeve të reja.
- 15.2 Kur ky Ortak është i përfaqësuar nga një përfaqësues i autorizuar, i autorizuari vlerësohet të jetë në të njëjtin konflikt interesit, sikundër Ortaku të cilin përfaqëson.

KREU V

Administrimi

#### Neni 16. Administratorët dhe kompetencat

- 16.1 Shoqëria drejtohet nga Administratori. Administratori mund të jetë i çdo kombësie dhe nuk është e nevojshme të jenë me banim në Shqipëri.
- 16.2 Administrator i Shoqërisë emërohet:
- Znj. **Angjelika Vasha**, e lindur në Vlorë, më 02.01.1984, banuese në Tiranë, Shqipëri;
- 16.3 Kohëzgjatja e funksionit të Administratorit është për një periudhë prej 5 vjetësh, duke filluar që nga momenti kur kjo detyrë merr fuqi ligjore (dmth - regjistrimi pranë Qendrës Kombëtare të Biznesit), me të drejtë ripërtëritje të këtij mandati.
- 16.4 Menjëherë pas pranimit të emërimit të tyre, Administratori njeh dhe pranon se marrëdhenia e tij me Shoqërinë ndërtohet mbi baza mirëbesimi; lidhur me këtë, vendimi për heqjen e tyre nëpërmjet një vendimi të Asamblesë së Ortakëve vlerësohet dhe pranohet si arsy e ligjshme për shkarkimin e tyre, në përputhje me kuadrin rregulator përkatës.
- 16.5 Ortakët kanë të drejtë të shkarkojnë Administratoren me shumicë të thjeshtë votash.
- 16.6 Administratori duhet të informojë Ortakët për çdo veprim dhe të marrë paraprakisht miratimin e tyre për çdo veprim që ndërmerrët në cilësinë e administratorit.
- 16.7 Për aq sa është e lejueshme dhe në përputhje me legjislacionin Shqiptar ose me cdo legjislacion, ku aktet e

Administratorit kanë fuqi vepruese, Administratori ka të drejtë të marrë vendime në lidhje me detyrat e tyre, pa qenë fizikisht të pranishëm në Shqipëri ose në ambientet e Shoqërisë. Shoqëria i rimburson Administratorit shpenzimet e arsyeshme gjatë udhëtimeve lidhur me prezencën e detyrueshme të Administratorit në vende te ndryshme nga vendbanimi dhe/ose vendqëndrimi i Administratorit apo ambientet e Shoqërisë, me kusht që shpenzimet të jenë të justifikuara dhe të kenë qenë të miratuara paraprakisht.

#### Neni 17 Kompetencat dhe detyrimet

17.1. Kompetencat e Administratorit në kuadër të përfshijnë:

- (i) Thirrjen e Asamblesë së Përgjithshme, në rastet e specifikuara në nenin 13.
- (ii) Menaxhimin e aktivitetit tregtar të Shoqërisë nëpërmjet implementimit të politikave dhe planeve të përcaktuara nga Asambleja e Përgjithshme.
- (iii) Përfshimin e Shoqërisë.
- (iv) Kujdesin për mbajtjen në mënyrë të përshtatshme të dokumenteve dhe librave kontabël të Shoqërisë.
- (v) Përgatitjen dhe firmosjen e bilancit vjetor, bilancit të konsoliduar dhe raportit të ecurisë së veprimtarisë së bashku me propozimet për shpërndarjen e fitimeve që i paraqiten për miratim Asamblesë së Përgjithshme.
- (vi) Kryerjen e regjistimeve dhe dërgimin e të dhenave të Shoqërisë pranë Qendrës Kombëtare të Biznesit, kur është e nevojshme.
- (vii) Raportimin përpara Asamblesë së Përgjithshme, lidhur me zbatimin e politikave tregtare dhe me realizimin e veprimeve të posaçme me rëndësi të veçante për veprimtarinë e Shoqërisë.
- (viii) Kryerjen e detyrave të tjera të caktuara në ligj dhe nga Ortakët.

17.2. Administratori mbikqyr dhe siguron që zyrtarët, agentët, të punësuarit, auditorët dhe këshilltarët e Shoqërisë të veprojnë me kujdesin e duhur dhe të mbrojnë sa më mirë interesat e Shoqërisë. Administratori duhet të raportojë tek Ortakët në lidhje me personat, të cilët emërohen nga Ortakët.

#### Neni 18 Detyrimi i besnikërisë dhe përgjegjësia

- 18.1 Përveç sa është parashikuar mbi detyrimin e besnikërise, sipas neneve 14, 15, 16, 17 e 18 të Ligjit 9901, Administratorët detyrohen të:
- (i) kryejnë detyrat e tyre të përcaktuara në ligj ose në këtë Statut, në mirëbesim e në interesin më të mirë të Shoqërisë në tërësi, duke i kushtuar vëmendje të veçante ndikimit të veprimtarisë së Shoqërisë në mjesid;
  - (ii) ushtrojnë kompetencat që u njihen me ligj ose nga ky statut, vetëm për arritjen e qëllimeve të përcaktuara në këto dispozita;
  - (iii) vlerësojnë me përgjegjësi çështjet për të cilat merret vendim;
  - (iv) parandalojë dhe mënjanojë rastet e konfliktit, aktual apo të mundshëm, të interesave personale me ato të Shoqërisë;
  - (v) ushtrojnë detyrat e tyre me profesionalizëm dhe kujdesin e nevojshëm
- 18.2 Administratorët, gjatë kryerjes së detyrave të tyre, përgjigjen kundrejt Shoqërisë për çdo veprim apo mosveprim, që lidhet në mënyrë të arsyeshme me qëllimet e Shoqërisë, me përjashtim të rasteve kur, në bazë të hetimit dhe vlerësimit të informacioneve përkatëse rezulton që veprimi apo mosveprimi është kryer në mirëbesim.
- 18.3 Në rast të shkeljes së detyrës dhe standardeve profesionale, sipas pikave 18.1 dhe 18.2 të këtij nenit, Administratori është i detyruar të dëmshpërbuje Shoqërinë, për dëmet që rrjedhin nga kryerja e shkeljes, si dhe t'i kalojë Shoqërisë çdo fitim personal që ka realizuar gjatë kryerjes së këtyre veprimeve të parregullta. Ai ka barrën e provës për të vërtetuar se kryen detyrat e tij në rregull dhe sipas standardeve. Kur shkelja është kryer nga më shumë se një Administrator, ata përgjigjen ndaj Shoqërisë, në mënyrë solidare.
- 18.4 Në veçanti, Administratori është i detyruar të dëmshpërbuje Shoqërinë, për dëmet, në qoftë se, në kundërshtim me Ligjin 9901, kryen veprimet e mëposhtme:
- (i) u kthen Ortakëve kontributet;

- (ii) u paguan Ortakëve interesa apo dividendë;
- (iii) u shpërndan asetet e Shoqërisë;
- (iv) lejon që Shoqëria të vazhdojë aktivitetin e saj, kur duhet ta kishte parashikuar që kjo e fundit nuk do të kishte aftësi paguese për të shlyer detyrimet e saj;
- (v) jep hua.

## KREU VI

### Administrimi Financiar i Shoqërisë

#### Neni 19. Eksperti Kontabël i Autorizuar

19.1 Ortakët mund të caktojnë ekspertin kontabël të autorizuar për t'i shërbyer Shoqërisë.

19.2 Ekspertët duhet të kryejnë funksionet audituese në përputhje me legjislacionin shqiptar.

#### Neni 20. Viti Ekonomiko-financiar

20.1 Viti ekonomiko-financiar fillon në ditën e parë të muajit Janar dhe përfundon në ditën e 31-të të muajit Dhjetor të secilit vit. Viti i parë financiar nis në datën e themelimit të Shoqërisë.

#### Neni 21. Mbajtja e llogarive

21.1 Shoqëria do të mbajë llogaritë në lekë dhe në monedhë të huaj.

21.2 Fitimi i Shoqërisë përcaktohet në bazë të bilancit të aprovuar nga Asambleja e Përgjithshme. Shpërndarja e fitimit do të caktohet nga Asambleja e Përgjithshme në përputhje me Statutin, marrëveshjen e Ortakëve dhe me ligjet e zbatueshme.

21.3 Nga fitimet vjetore, do të caktohet një fond rezervë në përputhje me kushtet e legjislacionit shqiptar për fondin rezervë të detyrueshëm.

21.4. Në bazë të Ligjit 9901, Shoqëria mund të shpërndajë fitimin tek Ortakët, vetëm nëse, pas kësaj shpërndarjeje:

- (i) asetet e Shoqërisë mbulojnë tërësisht detyrimet e kësaj të fundit;
- (ii) Shoqëria ka aktive likuide të mjaftueshme për të shlyer detyrimet që bëhen të kërkueshme brenda 12 muajve të ardhshëm.

21.5 Administratorët lëshojnë një çertifikatë të aftësisë paguese, e cila konfirmon shprehimisht se shpërndarja e propozuar e dividendëve përbush kërkësat e pikës 22.3 më sipër. Ndërsa, kur gjendja e Shoqërisë tregon se shpërndarja e propozuar e dividendëve nuk i përbush këto kritere, administratorët nuk mund ta lëshojnë këtë çertifikatë.

21.6 Administratorët përgjigjen ndaj Shoqërisë për vërtetësinë e çertifikatës së aftësisë paguese.

## KREU VII

### Modifikimi i Formës Ligjore; Prishja

Neni 22. Modifikimi i Formës Ligjore

22.1 Forma ligjore e Shoqërisë mund të ndryshojë me vendim të Asamblesë së Përgjithshme në përputhje me dispozitat respektive e legjisacionit në fuqi.

22.2. Shoqëria e re do të përbushë të gjithë procedurat ligjore të regjistrimit në Shqipëri.

Neni 23. Prishja e Shoqërisë

23.1 Shoqëria mund të prishet në rrethanat e mëposhtme:

- (i) si pasojë e përfundimit të kohëzgjatjes për të cilën ishte themeluar;
- (ii) me vendim të Asamblesë së Përgjithshme;
- (iii) si pasojë ë hapjes së një procedure falimentimi;
- (iv) nëse nuk ka kryer veprimitari tregtare për 2 vjet dhe nuk është njoftuar pezullimi i veprimitarise në përputhje me pikën 3 të nenit 43 të Ligjit nr. 9723, datë 3.05.2007 "Për Qendrën Kombëtare të Regjistrimit";
- (v) me vendim gjykate;
- (vi) për arsyet e tjera, të parashikuara nga Ortakët, në çdo kohë.

23.2 Administratorët regjistrojnë prishjen e Shoqërisë pranë Qendrës Kombëtare të Biznesit, në përputhje me nenin 43 të Ligjit nr. 9723, datë 3.05.2007 "Për Qendrën Kombëtare të Regjistrimit". Në rast se prishja e Shoqërisë bëhet me vendim gjykate, gjykata, në përputhje me nenin 45 të Ligjit nr. 9723, datë 3.05.2007 "Për Qendrën Kombëtare të Regjistrimit", ia njofton vendimin kësaj të fundit për regjistrim.

KREU VIII

Të ndryshme

Neni 24. Largimi i Ortakut

24.1 Largimi dhe përjashtimi i një Ortaku, si dhe pasojat që kjo sjell, do të rregullohen nga nenet 101, 102, 103 të Ligjit 9901.

Neni 25 Të tjera

25.1 Çdo çështje tjeter, e cila nuk është përmendur në këtë statut, do të rregullohet nga dispozitat e Ligjit 9901.

Nënshkruesit

Piro Angjeli

Për "A-Capital" SHPK

Administratori

Aida Sefa

Për "2B1979"

Administratori

Bledar Broshka

